

DEC 10 2015

ASST. CLERK OF COURTS
REPUBLIC OF THE MARSHALL ISLANDS

IN THE TRADITIONAL RIGHTS COURT
OF THE
REPUBLIC OF THE MARSHALL ISLANDS

ANOOP KUMAR,)
)
 Plaintiff,)
)
)
)
 VS.)
)
)
 TOLLE KOJAR, LABWILLE CAMEL, AND)
 MILLIE LEVITICUS)
)
)
 Defendants.)
 _____)

CIVIL ACTION NO. 2006-041

UAAK IM KOMELELE KO/OPINION

RO UAAN TRC PANEL EO:

WALTER K. ELBON, PRESIDING JUDGE

NIXON DAVID, ASSOCIATE JUDGE

GRACE LEBAN, ASSOCIATE JUDGE

RAN IN RONJAKE: AUGUST 11 & 18, 2015

JIKIN RONJAKE: MAJURO COURTHOUSE

KAJITOK EO KAR JAKIMANLAK NAN TRC IKKIJEN CASE IN:

IKOTAAN DICK CARMEL AND CAMILLA TARKWON, IM RO REJ KOBALOK ILO ABNONO KEIN AER, EKKAR NON MANTIN MAJOL IM IMINENE KO IUMIN MANIT EO AN MARSHALL ISLANDS, WON EO EKKAR BWE EN KABJOR MARON EO AN SENIOR DRI JERBAL IM WAWEN KO JET IKIJEN MARON IN ION MILBAR WETO, RAIROK ISLAND, MAJURO ATOLL, MARSHALL ISLANDS?

IM WON IKOTAAN JAR KEIN EKKAR BWE E EO EN BOK KOJ EO AN SENIOR DRI JERBAL ILO KOLLA IN LEASE KO AN MILBAR WETO?

UAAK EO: CAMILLA TARKWON

NAAN IN KEMELELE:

Case in ear ejaak im jino itok wot jen boktak eo ikkijen won eo ej Senior Dri Jerbal ion Milbar Weto, Rairok Island, Majuro Atoll.

Drijumae abnono eo, Camilla Tarkwon eo ej bok jikin lellap eo jinen, Millie Leviticus, im emoj an jako jen mour in ej ba bwe e eo ej kabojer maron eo an Senior Dri Jerbal ion Milbar Weto.

Ekkar non Tarkwon ej ba bwe ej jolete maron in Senior Dri Jerbal jen jinen, Millie Leviticus, eo im ear kabojer maron in ilo tore eo ear mour. Ekkar non Dri Jumae abnono in, Dick Carmel, ej ba bwe Milbar Weto ej imon bwij, kin menin Camilla Tarkwon ejab aikuj jolet maron ion weto in bwe ejab uwaan bwij in.

UNIN KENONO KO:

Ear etal maron eo an Senior Dri Jerbal ilo Milbar Weto non Millie Leviticus wot im alkin ej aikuj bar jeblak non bwij eo an Milbar Weto einwot ke ej imon bwij:

Rijumae abnono eo, Dick Carmel, ear kwalok melele in ilo kar naan in ikilok ko an. Ak alkin an court in ronjake melele ko an rikamol ro, bareinwot alkin an etale kein kamol ko, ear lo bwe ejelok ijon, ilo Tarkwon Exhibit 2, ak letter eo an Lewele Jorene im ear je ilo April 4, 1971, ej kwalok ke ejemlok wot maron eo an drijerbal iben Millie Leviticus. Ilo Tarkwon Exhibit 3, ak Affidavit eo an Labwille Carmel, ej make kalikar bwe Millie Leviticus ej e eo ej drijerbal ilo Milbar Weto im jab Tolle Kojar, im bwe ejelok ijon ej bar ba bwe alkin Millie inem ebar rol non bwij eo.

Court in ej erra ke Milbar Weto ej imon bwij, ijo wot ke, ej bar erra bwe ear koman juon oktak ilo tore eo alab Liwele Jorene ear karonlak Irojilaplap Joba Kabua ke ej lelok maron eo an drijerbal non Millie Leviticus kin un ko ear lajraki ilo Tarkwon Exhibit 2. Alkin Liwele, alab

Labwille Carmel ear bok maron eo an alab im ear wonmanlok wot im bar kile Millie Leviticus einwot juon an drijerbal ilo Milbar Weto. Alab Labwille Carmel ear jab jumae karok eo an alab eo lak imaan in, Liwele Jorene, ak ear wonmanlok wot kake im kile. Rijumae abnono Dick Carmel ear make ba ilo naan in kamol ko an ke juon alab emaron ukote lajtrak eo an drijerbal elane ewor un ko rekkar im ilo letter eo an Lewele non Irojilaplap Joba Kabua, ej kalikar un eo bwe enkar kile Millie Leviticus bwe en kabjor maron eo an drijerbal ilo Milbar Weto. Alikтата, Court in ear lo bwe ejabwe kein kamol an rijumae abnono Dick Carmel non kwalok ke Camilla Tarkwon ejab maron bok maron eo an drijerba alkin jinen Millie Leviticus.

ETAN DRI KAMOL RO AN DRIJUMAE ABNONO CAMILLA TARKWON:

1. Ted Tarkwon

ETAN DRI KAMOL RO AN DRI JUMAE ABNONO DICK CARMEL:

1. Dick Carmel


KEIN KAMOL KO:

1. Tarkwon Exhibit 1 – Lease Agreement of Milbar Weto (March 4, 2002)
2. Tarkwon Exhibit 2 – Letter to Irojilaplap Joba Kabua from Lewele (April 4, 1971)
3. Tarkwon Exhibit 3 – CA No. 2006-041 UAK EO AN LABWILLE CARMEL
4. Carmel Exhibit A – Menmenbwij
5. Carmel Exhibit B - 1959 Majuro Land Determination
6. Carmel Exhibit C – Court Order eo ikijen CA 2006-070

WAWEN KO JET IM TRC PANEL EO EJ TOMAK BWE REJ AIKUJ WALOK:

Rijumae abnono Dick Carmel ear jab erra kin an kar leo iben Camilla Tarkwon jijot ilo etan Camilla ilo ien ronjake case in. Alkin kar bok melele iben High Court eo, Panel in an TRC ear wonmalok wot im kajej tokjen abnono in kin un in bwe case in ej juon civil case im rijumae abnono Camilla Tarkwon ewr an maron in kar kelet elane ej ak ejab jijot ilo ien ronjake eo an case in.

Ran: 12/10/15

A handwritten signature in black ink, appearing to read 'W. Elbon', written over a horizontal line.

Walter K. Elbon.
Presiding Chief Judge, TRC

A handwritten signature in black ink, appearing to read 'Nixon David', written over a horizontal line.

Nixon David, Associate Judge

A handwritten signature in black ink, appearing to read 'Grace Leban', written over a horizontal line.

Grace Leban, Associate Judge